

OPĆINSKI NAČELNIK



MUNICIPALITY MAJOR

Služba za društvene djelatnosti i poslove mjesnih zajednica

Broj: 07-sl./19
Ilijaš, 18.02.2019.godine

**STRUČNA SLUŽBA OPĆINSKOG VIJEĆA I
OPĆINSKOG NAČELNIKA**

**ODGOVORI NA VIJEĆNIČKA PITANJA I INICIJATIVE
SA 27. SJEDNICE OPĆINSKOG VIJEĆA ILIJAŠ
održane 30.01.2019.godine**

Ilijaš, februar 2019.godine

Ulica 125. ljevakova brijeg 5, 71300 Rijeka
Tel: ++385 33 330 620, 330 600, Fax: 400 505
Trgovački račun kod VAUXFOKE BANKE d.d. Sarajevo 180200000710845
e-mail: drustvenedjelatnost@rijeka.ba



Broj certifikata: CRO200630

ANEL BUMBULOVIĆ-vijećnik SDA

Inicijativa:

Upućujem inicijativu prema JU "Apoteke Sarajevo" da u dogovoru sa općinskim službama i općinskim načelnikom razmotre mogućnost osnivanja Depoa Apoteke u MZ Kamenica, općina Ilijaš.

Obrazloženje: Na području MZ Kamenica, općina Ilijaš, već dugi niz godina egzistira ambulanta porodične/obiteljske medicine koja broji veći broj pacijenata. Treba napomenuti da se najbliža apoteka za ove građane nalazi u naseljenom mjestu Srednje koje je udaljeno cca 20 km od ove mjesne zajednice. Osnivanje i pružanje apotekarskih usluga uz ovoj mjesnoj zajednici će povećati kvalitet i obim zdravstvene zaštite stanovnika Mjesne zajednice Kamenica.

Prilikom razmatranja ove inicijative treba uzeti u obzir član 18. Zakona o zdravstvenoj zaštiti FBiH ("Službene novine FBiH", broj:41/10).

Odgovor:

Pitanje je upućeno JU "Apoteke Sarajevo" i Ministarstvu zdravstva Kantona Sarajevo koje je nadležno za izdavanje prethodne suglasnosti za otvaranje depoa apoteke. Do dana pripreme materijala za 28. sjednicu nismo dobili odgovor od navedenih subjekata. Po prijemu odgovora isti će biti prezentiran Općinskom vijeću Ilijaš.

ELDAR ŠEHIĆ – vijećnik SDP-a

Pitanja:

1. Hoće li i kada će početi izgradnja Centra za mlade u Ilijašu?
2. Da li će postojati atletska staza oko stadiona i da li će je moći koristiti rekreativci i djeca?

Odgovor:

1. Nakon rekonstrukcije i opremanja društvenog doma u Podlugovima planirano je da se u jednom njegovom dijelu otvori Centar za mlade općine Ilijaš.

Do tada, mladi Ilijaša mogu koristiti prostore Društvenog centra koji je uspostavljen u prostorijama MZ Mrakovo. Ovaj Centar je opremljen uz pomoć UNDP-a u BiH. Njegove resurse mogu koristiti svi građani, uključujući i mlade. U DC Mrakovo redovno se organizuju edukacije i radionice koje provodi Omladinska organizacija "Carpe Diem".

2. U toku su aktivnosti na izradi Izmjena i dopuna Regulacionog plana Banovac. Od Zavoda za planiranje i razvoj Kantona Sarajevo, koji je nosioc izrade plana, zahtijevano je da se sagledaju sve prostorne mogućnosti za zadržavanje postojeće atletske staze ili u suprotnom da se planira izgradnja potpuno nove atletske staze u Sportsko rekreacionom centru "Banovac".

AKIF BEŠLIJA – vijećnik SBB-a

Pitanja:

1. Postavljam pitanje nadležnoj općinskoj službi zbog čega na relaciji Ilijaš-Popovići-Ilijaš saobraća mali minibus?

Obrazloženje: Radi se o tome da su me stanovnici naselja Mrakovo, Popovići i Salkanov Han kontaktirali i obavijestili da se u nekim terminima na pomenutoj relaciji saobraća mali minibus, što nije dovoljno za ova naseljena područja s obzirom da veliki broj stanovnika koristi usluge prevoza, a većina njih ima mjesečne karte. Zbog ovakvog načina i slanja

minibusa na ovu relaciju veći broj korisnika ovih usluga, zbog malog kapaciteta sjedišta, na mogu ući, odnosno vozač neće da ih primi, te u tom slučaju prolazi označena autobuska stajališta.

Odgovor:

Pitanje je upućeno prijevozniku "Centrotrans-Eurolines" d.d. Sarajevo koji obavlja linijski saobraćaj na ovoj redovnoj kantonalnoj liniji. Do dana pripreme materijala za 28. sjednicu nismo dobili odgovor od navedenog subjekta. Po prijemu odgovora isti će biti prezentiran Općinskom vijeću Ilijaš.

Služba za društvene djelatnosti i poslove mjesnih zajednica